

普洱府志稿卷之四十四

人物志七

隱逸 萬賢附

古者隱逸其風尚已巢父許由務光之徒肥遯鳴高萬乘不以動其心萬物不以奸其志可不謂賢歟降及後世其風不絕此高士傳及漢以來隱逸傳之所由作也普洱山深林密亦時有隱君子遁跡其間茲特擇其不求聞達者以傳之而名賢之流寓者亦附焉

國朝

普洱府志稿

卷之四十四

人物志七

隱逸

一

王丕顯 字 侯來威遠人庠生襟懷沖淡閉戶讀書不與外事性嗜茶雖貧亦常貯佳茗所居山水環抱嘯傲煙霞怡然自得嘉慶十八年夷匪滋事以重幣聘顯為助顯婉却之遁於山林中事平歸里栽花蒔竹以終其身 採訪

張榮楠 字 汝明他郎人才識卓越弱冠膺道光戊子鄉薦官阿迷州訓導咸同開兵燹掛冠歸里值西逆入寇父老推辦軍務楠婉辭偕妻孥遁巖阿種蘭菊松竹芒鞋竹杖嘯傲自得寓情於詩酒之間又號蘭溪逸叟將歿自撰碑文甫脫稿 採訪

寓賢

國朝

馬汝為 字 宜臣元江人進士善書法多著述乾隆閒主威遠鳳山書院講席時文教初開汝為口講指畫疊疊不倦游其門者多敦實踐文風藉以大振為諸生書屏幃甚多嗣抱母井被水兼以歷年兵燹詩

文稿及字概無存焉

舊志

李振采

石屏人進士乾隆三十四年主威遠鳳山書院講席出言有章教士有法所作時文門下士請

以付梓采正色曰作文代聖賢立言非僅為獵取科名計也未能信心何敢問世著有芳草詩集人多傳

誦採

劉大紳

字寄庵甯州人進士酷好詩古文詞尤工書法初任山東新城縣知縣調曹縣知縣俱得民心

緣事罷戍軍台兩縣士民釀金代贖其罪送歸滇中嘉慶四年主講景東書院普威好學之士往執弟子

禮春秋暇日時寓威境登臨之餘謂弟子曰儒者立身以倫常為本操守亦宜嚴經濟原於學問學問淺

者任其居官如何能幹總是俗吏伎倆於國計民生幸少裨益其品概如此續奉特旨起用云

舊志

蘇廣生

太和人舉人咸豐初教讀他郎品學兼優教人以實學躬行為務一時從游多所成就如李鍾

普洱府志稿

卷之四十四

人物志七

隱逸

二

英孫世恆均出其門經濟學問皆粹然可觀焉

楊敬修

字恬宇石屏人舉人同治初教讀他郎經術湛深博綜經史幸裁尤極嚴峻精於舉業宏獎後

進門下多所成就焉

王麟

字瓊山營我人舉人學問淵深博通經史光緒初主講他郎聯珠書院指示生徒循循善誘一時從

游之士皆敦品勵行文風亦遂振興聽人賢之